

SIUNNERSUUT

KOMMUNIP PILERSAARUSIORFIGINEQARNERANUT TAPILIUSSAQ 4E5-2, QINNGORPUT, NUUK

APRIILI 2022



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

KOMMUNIMUT PILERSAARUMMUT TAPILIUSSAQ SUNAAVA?

Kommunimut pilersaarummut tapiliussaq ingerlajuaannartuuvooq, kommunalbestyrelsiliu Pilersaarusiornermut Inatsit (Inatsisartut Inatsisaat nr. 17, 17. november 2020-imeersoq pilersaarusiornermut aamma nunaminertat atorneqarnerat pillugit) malillugu pisussaaffeqarpoq annertussuseq pisarialik kommunimi pilersaarut nalimmassassallugu. Taannalu kommunimi pilersaarummut ingerlaavartumik tapiliussaq pissarsiarineratigut naleqquttumik allannguutitut imal. pilersaarummut tapiliussamut nalimmassarneqassaaq.

Kommunalbestyrelse piffissaq qaqugukkulluunniit pilersitsisinnaavoq nunaminertat atorneqarnerat aalajangersaanermik kommunimut pilersaarummut tapiliussamut suliarinninnikkut.

Kommunalbestyrelsiliu pisussaaffeqarpoq kommunimut pilersaarummut tupiliussamik peqqissaartumik aalajangiussanut suliarinnissalluni:

- Nuna tamakkerlugu pilersaarusiornermut kiisalu kommunimut pilersaarummut piviusunngortitsinermut pisarialimmik qulakkeerinninnikkut.
- Anginerusunut imal. annertuunut sanaartornernut sulianut nunaminertamik atugassiisoqannginnerani
- Anginerusunut imal. annertuunut sanaartorfinnik isaterisoqannginnerani/piiaasoqannginnerani.

Kommunimut pilersaarummut tapiliussaq marlunnik immikkoortoqarpoq, **PILERSAARUSIORNERMUT IMMIKKOORTOQ** kiisalu **AALAJANGERSAKKANUT IMMIKKOORTOQ**

- **PILERSAARUSIORNERMUT IMMIKKOORTOQ** pilersaarutip siunertaa inatsisitigullu sunniutaanik imaqqarpoq, kiisalu pilersaarut qanoq immikkoortortamut pilersaarutitut allanut attuumassuteqarnerisooq.
- **AALAJANGERSAKKANUT IMMIKKOORTOQ** aalajangersakkanik, pilersaarutip piviusunngortinnissaanut atatillugu malitassanik imaqqarpoq. Aalajangersakkat immikkoortitaapput pingaarnersiukkanik kiisalu sukumiinerusumik aalajangersakkanut. Aalajangersakkat tamarmik inatsisilerinermut pituttorsimasuupput, taamaakkaluartoq immikkut ittumik sukumiisumik aalajangersakkanit piumasaqaateqartoqarsinnaavoq. Tassanittaaq nunap assinga ilanngutaq pituttorsimasooq aalajangersakkanut immikkoortup imarivaa.

SAQQUMMIUSSINEQ

Kommunimut pilersaarusiornermut tapiliussap akuerivinneqannginnerani, kommunalbestyrelse tapiliussamut siunnersuummik saqqummiussissaaq, taamaalluni inuttaasut susassaqartullu allat pilersaarutip imarisaanut assigisaanullu oqaaseqaatinik imal. maalaarutitik tunniussisinnaaniassammata. Kommunallbestyrelsiliu tamatuma kingorna naliliissaaq maalaarutit allannguutissatullu siunnersuutit assigisaallu naliliiffigissavaat, pilersaarutip inaarutaasumik akuerinneqannginnerani.

Una siunnersuut **KOMMUNIMUT PILERSAARUMMUT TAPILIUSSAQ 4E5-2** innuttaasunut tusarniaassutigineqarpoq sapaatip akunnerini arfinilinni piffissami uuma iluani **11. maa'ji 2022 - 6. juuni 2022**. Malugiuk nassiussivissaq kingusinnerpaamik **6. juuni 2022** uunga nassiunneqarsimassammat:

PLAN@SERMERSOOQ.GL

PILERSAARUT SUMI ATUARNEQARSINNAAVA?

Pilersaarut Nunatta Atuagaateqarfiani imal. kommunip nittartagaani atuarneqarsinnaavoq. Kommunillu sullissiviani pissarsialugu imal. Sanarfinermut Avatangiisinullu Ingerlatsivimmuut saaffiginninnikkut, Kuussuaq 2, 3900 Nuuk, oqarasuaat 34 74 31.

IMAASA ALLATTORSIMAFFIAT

1. NASSUIAATIT	4
1.1 PILERSAARUSIORFIK	4
1.2 SIUNERTAT TUNNGAVIGINEQARTULLU	5
1.3 PISSUTSIT ATUUTTUT	6
1.4 PILERSAARUTIP ILISARNAATAI PINGAARNERIT	7
1.5 PILERSAARUSIAMUT ALLAMUT ATTUUMASSUTIT	10
1.6 PILERSAARUTIP TAPIATA INATSISITIGUT SUNNIUTAI	13
2. AALAJANGERSAKKAT	15
2.1 §20 AALAJANGERSAKKAT PINGAARNERIT	15
2.2 §21 AALAJANGERSAKKAT NASSUIAASERSUKKAT	17
3. ATORTUSSANNGORTITSINERMI OQAASEQAAT	23
4. ILANNGUSSAT 1-2	24 - 25


1. NASSUIAATEQARNEQ

Kommunip pilersaarusiorfigineranut tapiliussami uani ilaavoq teknikkimut atortulersuutitut attaveqaasersuinernullu immikkoortoq 4E5 aammalu immikkoortoq annikinnerusoq sanaartorfiusussaangitsoq 4D11.

1.1 PILERSAARUSIORFIK

Immikkoortoq pilersaarusiorfiusoq 1,7 ha.-t missaattut angissusilik Qinngutta qeqqata ilaani Isuliffimmiippoq Ukkusissaq 775 meterit angullugit portussusilik kangiatungeralugu kangerliumanerullu umiarsualiviup kujataatungaaniittup (qallunaatut Malenebugtimik taagorneqartup) sineriaa kitaatungeralugu.

Immikkoortoq pilersaarusiorfiusoq Nuup illoqarfiata ilaani Qinngutsinni inissisimavoq. Immikkoortup tamatuma kimmuk killigaa Pinguaraq/Nuffit, kangimullu killigalugu Naternaq inuussutissarsiorfinnut atorneqartuq. Immikkoortoq teknikkimut atortunut atorneqartussatut pilersaarutaavoq, avannaatungaani Nukissiorfiit kiassaateqarfiat 2012-imi atorneqalersoq inissisimavoq. Immikkoortup kujataatungaa sanaartorfiunngilaq allanngortitaanilu.



Takussutissaq 1 Nunaminertap ilaata 4E5-ip killinga nutaaq aappaluttunik toorneeralinngorlugu takutinneqarpoq.

Kommunip pilersaarusiorfigineranut tapiliussaq Kommuneqarfik Sermersuup kommunimut pilersaarutaata 2032-p ilagaa, ilusilerneqarnermini pingaarnermi immikkoortumik tamassuminnga teknikkimut atortunut immikkoortutullu sanaartorfiusussaangitsutut toqqarneqartuq, tak. qulaaniittoq nunap assinga.

Kommunip pilersaarusiordfigineranut tapiliussakkut immikkoortumik 4E5-imik killiliineq nutaaq aalajangiunneqarpoq, taamaallunilu immikkoortup ilaanut maannakkut killigitinneqartoq annertusineqarpoq, taamatullu 4A6-ikkut 4D11-lu annikillisinneqarlutik (tak. ilanngussaq 1). Immikkoortup pingaarnertut teknikkimut tunngasunut atorneqarnissaa aalajangiunneqarpoq, periarfissaqarlunili aamma teknikkimut atortunut, pilersuineramik ingerlataqarnernut, attaveqaasersugaanernut aammalu sullissinernut tunngasunut sanaartornissamut atorneqarsinnaanissaa.

1.2 SIUNERTAT TUNNGAVIGINEQARTULLU

Kommunip pilersaarusiordfigineranut tapiliussaq suliarineqarpoq, nunaminertanik pisortat ingerlataannut attaveqaasersugaanernullu atortulersuutitut ulorianartorsiortinneqarsinnaasunut nunaminertanik pissaqarnissaq qulakkeerniarlugu. Pilersaarusiorderup nalunaarasuartaateqarnikkut attaveqaasersugaanermut atorneqartussanik nutaanik sanaartornissaq periarfissaqartilerpaa, soorlu datacenterinik taakkunungalu atugassanik ikorsiinernut suliaqarfinnik, soorlu ajornartoornermi generatorinik, varmepumpinik transformatorinullu atortulersuutitik.

Digitalimik atuinerup ineriartorneratigut, tassalu datamik atuinerup nalunaarasuartaateqarnikkullu kiffartuussinerit ineriartorneri, najukkani nunalu tamakkerlugu nalunaarasuartaateqarnikkut attaveqaasersugaanerit annertusaavigineqarnissaat pisariaqartinneqarpoq. Pilersaarusiorderup periarfissaqalersippaa immikkoortup 4E5-ip iluani datacenteriliorsinnaaneq qarasaasianut atortulersuuteqarfiusinnaasumik, taakkulu atortuisa soorlu serverit, nalunaarasuartaateqarnikkut attaveqaasersugaanerit toqqorteriffinnullu atortulersuutit inissisimaffigisinnaasaannik.

Kommunip pilersaarusiordfigineranut tapiliussakkut pilersaarutaavoq immikkoortup 4E5-ip pisortat ingerlataannut soorlu pilersuineramik ingerlatsinernut, sullissinermik ingerlatsinernut aammalu nalunaarasuartaateqarnikkut attaveqaasersugaanermut atortoqarfinnut, taakkunungalu ilanngullugu kiassaateqarfinnik pioreersunik ingerlatsinernut atorneqartuarnissaa. Kommunip pilersaarusiordfigineranut tapiliussap aammattaaq periarfissippaa kiassaateqarfimmik ilasinissaq, kiisalu ungasianiit kiassaanermik pilersuinermi hosting centerimi kiaap sinneqartoorutaasup atorluarneqarnissaa.

Kommunip pilersaarusiordfigineranut tapiliussaq suliarineqarpoq kiassaateqarfiit atorneqarnissaat aammalu hostingcenteriliorsinnaanerup nalunaarasuartaateqarnikkullu attaveqaasersugaanermut atortulersuuteqarfinnik allanik sanaartortoqarsinnaaneranut aalajangersaanissat qulakkeernissaat siunertarlugu.

Pilersaarutip siunertaa tunngavigineqartullu:

- Immikkoortup siunertanut pisortat ingerlataannut, soorlu teknikkimut atortunut attaveqaasersugaanernullu ajutoorsinnaasunut kiisalu pilersuineramik sullissinernillu ingerlatsinernik suliaqartunut atorneqarnissaata aalajangersaaviginissaa.
- Sanaartukkat atortoqarfiillu inissinneqarnerat pissasoq sanilerisat eqqarsaatigalugit, soorlu ineqarfiit qanittumiittut.
- Nuffimmiit immikkoortumut aqqusineqarfeqarnissaata qulakkeernissaa (tak. ilanngussaq 2).

1.3 PISSUTSIT ATUUTTUT

Immikkoortoq Pinguaqqap/Nuffiullu kangianiittoq tamarmi 1,7 ha-it missaannik angissuseqarpoq. Immikkoortup avannaatungaa kiassaateqarfimmut atorneqarpoq quleriinnik initaligaalluni, tassaniippullu uunnaavissuit, kiammik nikerartitsivik, pumpi, ini nakkutilliivik allallu, kiisalu pujoorfissuaq 25 meterisut portutigisoq silamilu toqqorsiviit arlallit. Immikkoortup kujataatungaa allanngortitaanngilaq, immikkoortorlu tamarmi qattuneeraqartiterpoq toqqissunik, qaarsortarasaarporlu nunamik seqummalasumik akunneqartiterluni.

Immikkoortumi nuna toqqissuuvoq, kiassaateqarfiullu avannaatungaani qatsissutsip 74-ip missaani inissisimalluni. Kujataatungaani nuna Nuffit eqqaani qatsissutsimit 76-ip missaanit portusiartorpoq kitaani qaqqajunnaaqqamut qatsissutsimut 83-ip missaaniittumut. Kangisinnerusumi nuna maninneruvoq Qinngutta narsaamnersaata tungaanut.

Immikkoortut kujataatungaaniittut kangiataungaaniittullu inuussutissarsiuteqarnermut siunertanut atugassiaapput, fabrikkimullu betoniliorfiusumut, suliffeqarfinnut assigiinngitsunut toqqorsivinnullu atorneqassallutik. Avannaatungaani immikkoortut Suloqqap Unaallu eqqaaniittut ineqarfinnut atugassaapput, soorluttaaq aamma immikkoortut Nuffiup kitaaniittut illulioriaatsinut assigiinngitsunut sanaartorfissatut suliarineqartut.

Hosting centerimik nutaamik pilersaarusiornermut ilanngunneqarpoq nunaminertap inissiaqarfiup 4A6-ip suliffeqarfinnullu atorneqartup nunaminertap 4B5-ip akornanni sanaartorfiusussaannngitsup ilaa annikitsoq, imminnut ataqatigiinnerni annertunerni nunaminertanut Ukkusissap Quassussuullu eqqaani sanaartorfiusussaannngitsunut ilaasoq.



Takussutissaq 2 Pilersaaruteqarfiusumit asseq talerpiatungaaniilluni kiassaateqarfik pioreersoq.



Takussutissaq 3 Pilersaaruteqarfiusumit asseq saamiata tungaaniilluni kiassaateqarfik pioreersoq.

1.4 PILERSAARUTIP ILISARNAATAI PINGAARNERIT

Kommunip pilersaarusiortfigineranut tapiliussap aalajangersarpaa immikkoortumik qanoq atuinissaq, taannalu marlunnut immikkoortinneqarpoq:

Immikkuualuttoq 1 avannaatungaaniittoq kiassaateqarfittalik pioreersumik 0,5 ha-llu missaannik nunaminertalik. Immikkuualuttumut l-imut aalajangersakkat kommunip pilersaarusiordfigineranut tapiliussami allassimasutut pigiinnarneqassapput, kommunillu pilersaarusiordfigineranut tapiliussami uani allanngortinnagu ateqqinneqarpoq.

Immikkuualuttoq 2 kujataatungaaniittoq datacenterimik taassumalu atortuinik sanaartorfiusinnaasoq 1,2 ha-llu missaannik nunaminertalik. Aalajangersakkanik nassuiaasersukkanik nutaanik immikkuualuttoq 2 aalajangersaavigineqassaaq.

Ilanngussami 1-imi nunap assingani takutinneqartutut immikkuualuttut marluk taakku akornat nutaamik killilernerneqassaaq.

Pilersaaruteqarfiusoq ataatsimoortut atorneqarsinnaavoq teknikkeqarnermut siunertalinnut, soorlu teknikkimut atortunut, attaveqaasersuinermit, pilersuinermit ingerlatsivinnut, sullissinermik suliaqartunut allaffissornernullu, kiisalu taakkununga attuumassutilinnut biilnut inissiisarfinnut teknikkimullu atortulersuutitut.

Kommunip pilersaarusiordfigineranut tapiliussap aammattaaq aalajangersarpai sanaartorfiup annertussusaanut inissisimaneranullu, nunaminertat sanaartorfiunngitsut, aqquuserngit allagartalersuinerillu pillugit aalajangersakkat.

PILERSAARUSIAP ALLAASERINERA

ATORNEQARNERA

Kommunip pilersaarusiordfigineranut tapiliussap aalajangiusimavaa immikkoortup 4E5-ip teknikkimut atortunut attaveqaasersuutinnullu atorneqarnissaa. Immikkoortup illuliorfigineqarnissaa, kiassarnermik aammalu nalunaarasuartaateqarnermik pilersuinermit, taakkunungalut attuumassutilinnut biilnut inissiisarfinnut teknikkimullu atortulersuutitut toqqorsivinnullu atorneqarnissaanik periarfissiisoqarpoq.

Immikkuualuttoq 1 kiassaateqarfimmut pioreersumut, tankeqarfianut atortulersuutaanullu kiisalu siunissami allilernerqarsinnaaneranut atorneqarsinnaavoq. Atortoqarfiup illoqarfiup ilaani Qinngutsinni najugaqarfiit amerlanersaasa kiassarneqarnerat qulakkiissavaa.

Immikkuualuttoq 2 datacenteriliorfiusinnaavoq servereqarfiusinnaasumik IT-mullu atortoqarfiusinnaasumik, kiisalu allaffissornikkut atortunut, ajornartoornermi generatoritut nillusaatinullu il.il. atorneqarsinnaalluni.

ANGALLANNERMUT TUNNGASUT, AQQUSERNGIT, AQQUSINEEQQAT BIILINULLU INISSIISARFIIT

Immikkoortoq Nuffimmiit aqqusineqarpoq. Immikkuualuttoq 2-mi nutaamik aqqusiniliisoqarsinnaavoq.


Kommunip pilersaarusrifigineranut aalajangersakkat nalinginnaasut naapertorlugit biilnut inissiisarfiit sananeqassapput.

SANAARTUKKAT AALAJANGIIFFIGINERALLU

Immikkoortumi sanaartukkat nutaat quleriunngitsumik initalinnik sananeqarsinnaapput inissiiviliorinissamut periarfissaqartunik 10 meterinillu portunerpaaffeqartunik, taamaattoq pujoorfiit immikkoortumillu pilersuinnermut teknikkimut atortulersuutit allat 25 meterit angullugit portussusilerneqarsinnaapput.

Immikkuualuttumi 11-mi sanaartorfissaq nutaaq aqqissuunneqassaaq sanaartugassanik inituunik nutaanik sanaartornissaq periarfissillugu, soorlu datanut halinik serverinik teknikkimullu atortunik imaqarsinnaasunik.

Immikkuualuttumut 2-mut aalajangersakkat nassuiaasersukkat annertussutsimut nutaamillu sanaartornerit inissinneqarnissaannut aalajangersarneqassapput, tassani nutaamik sanaartukkat teknikkimullu atortulersuutit ilusilerneqassallutik aalajangiiffigineqassallutillu avatangiisit aammalu Suloqqap Nuffiullu qanittuani inissiat eqqarsaatigalugit.



Takussutissaq 4 Sanaartukkanut sanilerisanut tunngatillugu nunami sanaartukkanik nutaanik naleqqussaannermik titartagaq takussutissiaq.

Nunaminertat sanaartorfiunngitsut siunertanullu allanut atortussiaanngitsut allanngortinneqaratik piunnassapput. Immikkuualuttulli ataasiakkaartut, taakkuluunniit ilaat isumannaallisaataasumik killilerneqassapput.

ILLULIORTAASEQ

Sanaartukkat nutaat halitut/takisuutut sanaartorneqassapput, sananeqarsinnaallutillu illut qaliaattut qalialerlugit illuinnaanulluunniit sivingasumik qalialerlugit qernertunik

qallitissianik qalligaasunik. Illut takisuut assigiiaaginnarunnaarsarniarlugit Nuffiup tungaanut illut portussusaat nikerartillugit sanaartorneqassapput, atortussianik allanik akunneqartillugit, allatut ilusilinnik aniinganersalerlugit igalaaginnarnilluunniit akunnequtsertarlugit. Taamaanngippat iigaq eqqumiitsuliamik kusassarneqarsinnaavoq.

NUNARSUARMİ ANGUNIAKKAT

2019-ip aallartinnerani kommunalbestyrelsep aalajangiuppaa Naalagaaffiit Peqatigiit piujuaannartitsinermut anguniagaasa ilaat arfineq-pingasut ukkatarineqassasut.



Kommunip pilersaarusiortfigineranut tapiliussami tulluuttut sammineqarput:

ANGUNIAKKAT		QANOQ
	ANGUNIAGAQ 9: ATORTUSSIORNEQ, NUTAALIORNEQ ATTAVE- QAASERSUINERLU	Pilersaarusiortmut ilassutip nalunaa-rasuartaateqarnikkut attaveqaasersugaanerup pitsaasumik internetimut attaveqarnissaa isumannaatsumillu allanngujaatsumik ingerlatsisoqarnissaa qulakkiissavaa.
	ANGUNIAGAQ 12: AKISUSSAASSUSILIMMIK ATUINEQ NIOQQUTISSIOR- NERLU	Pilersaarusiortmut ilassutip qulakkiissavaa atortussanik qajannaatsunik aserfallannatik qillarliinnartartunik atuilluni sanaartukkap suliarineqarnissaa. Qaartiterinerup minnerpaaffianiitinneratigut nunap pisuussutaanik atuilluarnersuqarlunilu pitsaasumik ingerlatsisoqassaaq.

1.5 PILERSAARUSIAMUT ALLAMUT ATTUUMASSUTIT

1.5.1 NUNA TAMAKKERLUGU PILERSAARUSIORNEQ

Kommunip pilersaarusiortfigineranut tapiliussaq nuna tamakkerlugu pilersaarusiortnermut naapertuuppoq.

1.5.2 KOMMUNIMUT PILERSAARUT

Kommunip pilersaarusiorfigineranut tapiliussassatut siunnersuut 4E5-2 kommunimut pilersaarummut atuuttumut naapertuutinngilaq.

Kommunip pilersaarusiorfigineranut tapiliussaq Kommunimut pilersaarusiamut "Sermersooq 2032"-mut ilaavoq, pingaarnertut ilusiliinermi immikkoortoq pilersaaruteqarfiusoq teknikkimut atortoqarfinnik, inissiaqarfinnik sanaartorfiusussaanngitsutullu atugassanngortinneqarluni (takuuk qupp. 4).

Kommunip pilersaarusiorfigineranut tapiliussap matuma immikkoortup 4E5-ip killissalersornera allanngortippaa 4A6-ip 4D11-llu ilamernganik ilaneqarmat, atorineqarnissaalu teknikkimut atortunut aalajangiunneqarluni. Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq naapertorlugu immikkoortup 4E5-ip iluani **immikkuualuttoq 2**-mut kommunip pilersaarusiorfigineranut tapiliussami matumani aalajangersakkat nassuiaasersukkat nutaat sanaartorfissallu suliarineqarput.

1.5.3 QANGANITSAT ERIAGISASSAT IMAALIALLAANNARLUGIT PEERNEQAR-SINNAANNGITSUT

Qanganitsanik eriajisassanik immikkoortumi pineqartumi peqarneranik Kommuneqarfik Sermersooq ilisimasaqanngilaq. Immikkoortumi tamaani assaanerit, eqqissisimatitsisarneq aamma allatigut kulturikkut eriajisassanik kulturikkut kingornussatut illersuineq pillugu Inatsisartut Inatsisaata nr. 11, 19. maj 2010-meersup ataani inissisimapput.

1.5.4 AVATANGIISEQ

Assaasoqarnerani immikkoortumi pineqartumi mingutsitsisoqarneranik paasisaqaraanni Kommuneqarfik Sermersooq erngerluni ilisimatinneqassaaq.

Igitassat avatangiisimut ulorianaatillit, ass. nuna uuliamik mingutsitaq, kommunip eqqagassalerinermut malittarisassai taamatullu suliaqarnermut inatsisit atuuttut naapertorlugit iginneqartassapput.

Nunniornerni, sanaartorfigiuminarsaanerni il.il. sialuup aputillu aannerata kuussinnaanissaa, eqqaamiunillu ajoqusersuinnginnissaa qulakkeerneqassaaq.

1.5.5 TEKNIKKIMIK PILERSUINEQ

Nutaanik illuliortiternerit innaallagissap, erngup, kuuffiit kiisalu kiassarneqarnerup aqqutaannut tamanit atorineqartunut attavilerneqassapput.

Innaallagissamik, imermik, kuuffinnik kiassarneqarnermillu pilersuinerit nunap iluatigut aqquteqassapput.

Immikkoortup iluanut teknikkimut atortoqarfiit tamanik pilersuissutaasut, soorlu transformatoreqarfiit, inissinneqarsinnaapput. Transformatoreqarfinnik inissiineq Nukissiorfiit isumasioqatigalugit pissaaq.

Kiassarneq

Immikkoortup qanoq kiassarneqarnera aalajangersarneqassaaq Nukissiorfiit najoqqutassiaat malillugit.

Kuuffilersuineq

Imikoqpillugu iliuusissatut pilersaarut naapertorlugu illuliat nutaat kuuffinnut tamanit atorneqartunut attavilerneqassapput.

Nunap qaavaniittoq imeq, soorlu qalianit kuuttoq, kuuffinnut ingerlasunngortinneqassanngilaq, aqquserngulli sinaani kussinernut kuuttussanngortinneqassalluni, taamaalilluni tamaani sanaartornernut allanut, aqqusineeqqanut, aqqusinernut nunaminertanullu illuliorfiunngitsunut ajoqutaaleqqunagu.

Eqqaavilerineq

Malittarisassiat qaqugukkulluunniit atuuttut naapertorlugit immikkoortoq Kommuneqarfik Sermersuup eqqaavilerinermut aaqquissuussineranut ilaavoq.

Aputaajaaneq aputillu igikkiartorneqartarnera

Apummik igitsiartortarneq Kommuneqarfik Sermersooq isumasioqatigalugu ingerlanneqassaaq.

Sanaartorfigiuminarsaanermut aningaasartuutit

Sumiiffimmik sanaartorfigiuminarsaanermut aningaasartuutit suleqatigisallu attuumassutillit akornanni agguarneri, akiliinissamut malittarisassami immikkut ittumi allassimassapput.

1.5.6 PILERSAARUTINIK ATORUNNAARSITSINEQ

Kommunip pilersaarusiortfigineranut tapiliussatut siunnersuummik 4E5-2-mik matuminnga atortussanngortitsinikkut kommunip pilersaarusiortfigineranut tapiliussaq 4E5-1 atorunnaarpoq.

1.5.7 SAQQUMMIUSSINEQ

Siunnersuut piffissami 2022-mi maajip sisamaaniit juunip 29-ata tungaanut sapaatit-akunnerini arfineq-pingasuni tamanut tusarniaassutigineqassaaq.

1.6 PILERSAARUMMUT TAPILIUSSAP INATSISITIGUT SUNNIUTAI

1.6.1 UTAQQIISAASUMIK INATSISITIGUT SUNNIUTAI

Kommunimut pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik. (*Pilersaarusiornermut inatsimmi § 31*).

Maalaaruteqarnissamut killissarititaasoq qaangiukkaangat maalaarutinillu tigusaqartoqarsimanngikkaangat kommunalbestyrelsep nunaminertap siunnersuummi pineqartup kommunimut pilersaarummut tapiliussamut naapertuuppat illuliorfigineqarnissaa imaluunniit allatigut iluaqutigineqarnissaa akuerisinnaavaa. (*Pilersaarusiornermut inatsimmi § 31 imm. 2*).

Utaqqiisaasumik inatsisitigut sunniutit kommunimut pilersaarutissatut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneraniit naatsorsukkamik sivilisunerpaamik ukiumi ataatsimi. (*Pilersaarusiornermut inatsimmi § 31 imm. 3*).

1.6.2 INAARUTAASUMIK INATSISITIGUT SUNNIUTIT

Kommunalbestyrelse kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni. (*Pilersaarusiornermut inatsimmi § 29*).

Kommunimut pilersaarummut tapiliussap inaarutaasumik akuerineqarneranik tamanut nalunaaruteqarnerup pereernerani, inatsisinik imaluunniit pissutsinik piviusunik tunngaveqarluni, kommunimut pilersaarummi aalajangersakkanut nunaminertanik tunniussinermi atugassarititaasunut akerliusunik pilersitsisoqassanngilaq. (*Pilersaarusiornermut inatsimmi § 30*).

Aalajangersakkani nassuiaasersukkani nikingassuteqarnerit pingaaruteqannginnerusut taamaattoq immikkut ittumik akuerineqarsinnaapput. Nikingassutit annertunerusut aalajangersakkaniillu pingaaruteqarnerusunit nikingassuteqarnerit kommunimut pilersaarummut tapiliussamik nutaamik pisariaqartitsipput. (*Pilersaarusiornermut inatsimmi § 50*).

Nunaminertanik, illunik sanaartukkanillu akuerisamik manna tikillugu atuineq ingerlaannarsinnaavoq, paarlattuanilli ass. illuliorfissamik atuineq allanngortitaq

nutaanilluunniit illuliortiterneq kommunip pilersaarusiortfigineranut tapiliussamut
akerliussanngilaq.

Kommunip pilersaarusiortfigineranut tapiliussap kingunerisariaqanngilaa nunaminertat, illut
sanaartukkallu pilersaarummut ilaasut pilersinneqarnissaat.

2 AALAJANGERSAKKAT

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq (Pilersaarusiornermut inatsit) naapertorlugu kommunalbestyrelsep matumuuna aalajangersakkat tulliuttut aalajangersarpai.

Aalajangersakkat § 20-mi immikkoortiterneqarput aalajangersakkanut pingaarnernut aammalu § 21-mi aalajangersakkanut nassuiaasarsukkanut.

Aalajangersakkat tamarmik inatsisinut pituttorsimapput, piumasaqaatilli immikkut ittut atorlugit aalajangersakkanit nassuiaasarsukkanit immikkut ittumik akuersisoqarsinnaavoq. Aalajangersakkat pingaarnertit tassaapput pilersaarutip tunngaviatigut imarisai, taamaattumillu aalajangersakkanit taakkunannga immikkut akuersisoqarsinnaanngilaq.

§ 20. AALAJANGERSAKKAT PINGAARNERIT PIOREERSUT	§ 20. AALAJANGERSAKKAT PINGAARNERIT NUTAAT
SUMIIFFIUP ILAATA KILLILIIFFIGINERA	
	
1. SIUNERTAQ	

ATORNEQARFISSAA NALINGINNAASOQ: E – Sanaartukkanut teknikkimut tunngasunut attaveqaasersuiner-nullu ATORNEQARFISSARPIAA: E1 – Sanaartukkat teknikkimut tunngasut	ATORNEQARFISSAA NALINGINNAASOQ: E – Sanaartukkanut teknikkimut tunngasunut attaveqaasersuinernullu ATORNEQARFISSARPIAA: E1 – Sanaartukkat teknikkimut tunngasut
2. ATORNEQARFISSAA	
Sumiiffiup siunertanut teknikkimut tunngasunut soorlu ungasianiit kiassaateqarfinnut atorneqarnissaa aalajangiunneqarpoq.	Sumiiffiup siunertanut teknikkimut tunngasunut soorlu ungasianiit kiassaateqarfinnut, datacenterinut assingusunullu aammalu attaveqaasersuutitut atorneqarnissaa aalajangiunneqarpoq.
3. SANAARTUKKAT	
Sumiiffimmi nunap isikkuata qanoq inissisimanera eqqarsaatigalugu nutaanik sanaartorneq ilusilerneqassaaq.	Sanaartukkat nutaat quleriunngitsumik initalinnik sananeqarsinnaapput inissiiviliornissamut periarfissaqartunik. Nutaanik sanaartorfiusoq ungasinngisami najugaqarfiit eqqarsaatigalugit ilusilerneqassaaq. Atortut nipiliortut najugaqarfinnut ungasillillugit inissinneqassapput.
4. INITUSSUSEQ	
Immikkut ittunik aalajangersagaqanngilaq	Immikkut ittunik aalajangersagaqanngilaq
5. PIUINNARTITSINISSAP EQQARSAATIGINERA	
Immikkut ittunik aalajangersagaqanngilaq	Immikkut ittunik aalajangersagaqanngilaq
6. NUNAP ILAI IMMikkoORTORTAT IMMikkUT PIUMASAQAATEQARFIUSUT	
Mittarfiup eqqaani nunap ilai immikkoortortat immikkut piumasaqaateqarfiusut aalajangersagaapput, tassaasut manissut akornusiiffiusussaannngitsut, soorlu manissut isikkivimmut assiaqutaanngitsut qaavi toqqissut kiisalu mikkiartorfimmut tingiartorfimmullu mittarfimmut ilassutaasut. Sumiiffik tamanna inissisimavoq mittarfimmik akornusiiffiusussaannngitsuni illunik atortunillu	Mittarfiup eqqaani nunap ilai immikkoortortat immikkut piumasaqaateqarfiusut aalajangersagaapput, tassaasut manissut akornusiiffiusussaannngitsut, soorlu manissut isikkivimmut assiaqutaanngitsut qaavi toqqissut kiisalu mikkiartorfimmut tingiartorfimmullu mittarfimmut ilassutaasut. Sumiiffik tamanna inissisimavoq mittarfimmik akornusiiffiusussaannngitsuni illunik atortunillu

allanik sanaartorfigeqqusaanngitsumi qatsissutsimi 127,5-imi, aammattaaq aqquserngit qatsissutsimi 121,5-imi sanaartorneqaqqusaanngillat.	allanik sanaartorfigeqqusaanngitsumi qatsissutsimi 127,5-imi, aammattaaq aqquserngit qatsissutsimi 121,5-imi sanaartorneqaqqusaanngillat.
7. ANGALLANNEQ TEKNIKKIMULLU TUNNGASUNIK PILERSUINEQ	
Sumiiffik Suloqqamiit aqqusineqarpoq.	Sumiiffik Nuffikkoorluni Suloqqamiit aqqusineqarpoq.
8. ILLOQARFIMMIK NUTARTERINEQ	
Immikkut ittunik aalajangersagaqanngilaq	Immikkut ittunik aalajangersagaqanngilaq

§ 21. AALAJANGERSAKKAT NASSUIAASERSUKKAT

1. SANAARTUKKAT INISSISIMAFFIAT

- Stk. 1:** Immikkuualuttoq 1-imi kiassarnermut illu pingaarneq aamma tankeqarfik pingaarneq sanaartorfissap ilanngussami 2-mi takutinneqartup iluanut inissinneqassapput.
- Stk. 2:** Immikkuualuttoq 2-mi datahalinut allaffissornermullu nutaamik illuliassat sanaartorfissat ilanngussami 2-mi takutinneqartut iluannut inissinneqassapput. Sanaartorfissap silataanut nunaminertaq ilanngussami 2-mi takutinneqartut ajornartoornermi generatorinut, dieseltankinut nillusaatinullu inissiivissatut atugassanngortinneqarpoq.
- Stk. 3:** Containerit illunut suliffeqarfinnullu atasumik ilitsivittut suliaqarnernulluunniit allanut atorneqartussatut inissinneqartut, sanaartorfissatut ilanngussami 2-mi takutinneqartut iluannut inissinneqassapput.
- Stk. 4:** Sanaartorfiit avataanni aammattaaq sanaartorneqarsinnaapput illut teknikkimut atortoqarfiit minnerusut pingaaruteqannginnerusullu aammalu sumiiffimmik pilersuinermt atortulersuuteqarfiit, soorlu pumpeqarfiit, transformatoreqarfiit assigisaallu, kiisalu biilinut inissiisarfiit nunaminertallu toqqorsivinnut eqqagassalerinernullu atugassat.
- Stk. 5:** Sanaartukkat nutaat quleriunngitsumik initalinnik sananeqarsinnaapput inissiiviliornissamut periarfissaqartunik 10 meterinillu portunerpaaffeqartunik. Pujoorfiit taamaattoq portunerpaaffilerneqarsinnaapput 25 meterinut.

2. SANAARTUKKAP ISIKKUA

- Stk. 1:** Sanaartukkat nutaat sumiiffii immikkuualuttut iluanni assigiimmik isikkoqartinneqassapput atortussallu assigiaat atorneqassallutik aammalu qalipaateqartinneqassallutik assigiinngisitaarsinnaanermik periarfissaqartitsisumik.

Stk. 2: Seqernup qinngornerinik tigooraavit, seqernup kissaanik tigooraaviit assigisaallu sanaartukkap qaliaanut illulluunniit saavanut ikkussuunneqarsinnaapput akisunneriniillu ajoqusersuisoqassanngilaq.

ILLUT SAQQAI

Stk. 3: Sanaartukkat Nuffit tungaanut saqqai assigiinngisitaartunik sananeqaasersugaassapput, portussussii assigiiaarunnaarsillugit aniinganersalersorlugit igalaaginnarnillu akunnequtsertarlugit.

Stk. 4: Sanaartukkat saqqaqassapput atortussiat soorlu igalaamerngit, qisuit, eterniti, saviminermiit pladeliat, ujaqqat allanngortitaanngitsut betoniluunniit atorlugit.

Stk. 5: Atortussat qillertut akisunnillilluunniit sanaartukkap silataata iigaanut atorneqassanngillat, taamaallaat igalaaqarfinnut aammalu taamatut atorneqassappata sanaartukkap saqqaanut igalaaminusunut, avatangiisinullu ajoqutaanngitsumik. Qillernerpaaffissaq 20-uvoq

Stk. 6: Sukat ersiinnartut nunap portunerpaaffia 0,5 meterinik qaangersimassanngilaat.

Stk. 7: Containerit sapaatit-akunnerini sisamanit arfinillit sinnerlugit uninngasussat suliffeqarfiup illuutaasa qalipaateqataanik qalipanneqassapput.

QALIAT

Stk. 8: **Immikkuualuttoq 1**-imi qaliat minnerpaamik 7 gradinik aammalu annerpaamik 45 gradinik uingasunngorlugit ilusilernerqassapput. Tankeqarfinnulli qangali atorneqartut qaliat ammalortut atorneqassapput.

Stk. 9: **Immikkuualuttoq 2**-mi qaliat ilusilernerqassapput illut qaliaattut minnerpaamik 7 gradinik aammalu annerpaamik 20 gradinik uingasunngorlugit.

Stk. 10: Qaliat qernertumik qalissialersorneqassapput.

IGALAAT MATULLU

Stk. 11: Igalaat sinaat sanaartukkap saqqaata qalipaategisaanut atortussianullu toqqarneqartunut naleqqussarneqassapput.

SILAANNARISSARFIIT

Stk. 12: Sanaartukkat qaliaanni silaannarissarfiit sanaartukkap saqqaanut naleqqiullutik tiffasinnerusumut inissinneqassapput, sanaartukkap qaliaanit 0,5 meterinik portunerussanatik, inissinneqassallutillu inissianit takuneqarsinnaanatik.

Stk. 13: Silaannarissaanermut motorit sanaartukkat qaliaannut saqqaannullu inissinneqassanngillat.

SANAARTUKKAT MINNERIT

Stk. 14: Sanaartukkat minnerit pingaaruteqannginnerusut soorlu avatangiisinut stationit, teknikkimut atortoqarfiit assigisaallu sanaartukkap nalinginnaasumik isikkuanut assersuuttuussapput, sanaartukkallu ilusaannut ilaasutut naleqqussagaassallutik.

ALLAGARTAT

Stk. 15: Sanaartukkami ataatsimi suliffeqarfimmut tassani ingerlanneqartumut attuumassutilinnik allagartanik nivinngaasoqarsinnaavoq, allagartallu annerpaamik areali 2 m²-i qallersimassavaa.

Stk. 16: Allagartat atajuartussat suliffeqarfiup taaguutaanik ilisarnaataanillu nalunaaruteqassapput.

Stk. 17: Allagartat sanaartukkap saqqaanut naleqqussarneqassapput, ilusilernerqarsimassappullu inissinneqarlutillu sanaartukkat saqqaasa ilusaannut naleqqussakkamik sanaartukkallu ataatsimut titartagaaneranut naleqqussakkamik. Allagartalersuinerit nittarsaassinerillu tamakkiisumik ilaannakortumilluunniit sanaartukkap titartagaanerata ilaanik, soorlu silataani matunik igalaanillu, qalliisimassanngillat imaluunniit sanaartukkap saqqaata qalliutaanik, igalaanik assiaqutsiinertut assigisaatullu isikkoqassanngillat.

Stk. 18: Isumannaallisaanermut allagartalersuineq allagartallu suliffeqarfimmut tunngasut tankeqarfinnut, transformatoreqarfinnut assigisaannullu nivinngarneqarsinnaapput, malittarisassat atuuttut naapertorlugit. Sanaartukkap atorneqarneranut attuumassutilinnik taamaallaat nittarsaassillunilu allagartalersuisoqarsinnaavoq.

Stk. 19: Allagartat qullitallit taamaallaat napparneqarsinnaapput qaamarngisa sakkortussusaat naleqqussarneqarsinnaappata.

Kommuneqarfik Sermersuup sanaartukkap saqqai qaliaanullu pilersaarutit tamaasa akuerissavai.

3. AQQUSINERNUT AQQUSINEEQQANULLU TUNNGASUT

Stk. 1: Nuffimmit aqqusinermi pingaarnermi aqqusiisoqassaaq, tak. tunngavigineqartoq ilanngussami 2-mi takutinneqartoq.

Stk. 2: Aqqusinernut aqqusineeqqanullu atassusiinerni aqqusinernut malittarisassat atuuttut naapertorlugit takussutissaq qulakkeerneqarsimassaaq.

Stk. 3: Angallaffiit toqqorsiveqarfiillu eqqaat asfalimik qernertumik, ujaraaqqanik, cementflisunik, ujaqqanik allanngortinneqanngitsunik assigisaannillu qalliuteqartinneqassapput.

Stk. 4: Sumiiffimmi biilnut inissiisarfiortoqassaaq kommunimut pilersaarummi atuuttumik inissiiviliortarnermi najoqqutaasut naapertorlugit.

Stk. 5: Sumiiffinni immikkuualuttuni ataasiakkaartuni sanaartukkanut biilnut inissiisarfiit atasunngortinneqassapput.

Stk. 6: Aqqusinniornernut killissat aalajangersarneqarput (killeqarfiit piumasaaqateqarfiusut) taamaalillutik sanaartukkat, atortoqarfiit assigisaallu Nuffiup tungaanut aqquserngup qeqqaniit 7,5 meterinit qaninnerusumik inissinneqaqqusaanatik.
4. NUNAMINERTAT SANAARTORFIUNNGITSUT SUNNGIFFIMMILU SAMMISAQARTITSIVIIT
Stk. 1: Nunaminertat sanaartorfiunngitsut sanaartorfiusinnaanngillat, taamaallaat sanaartukkanut atortoqarfinnullu pingaaruteqannginnerusunut nunaminertamik ingerlatsinermut pisariaqartunut.
Stk. 2: Nunaminertat sanaartorfiusussanngortitaanngitsut, aqqusinniorfissaanngitsut, aqqusineeraliorfissaanngitsut biilinullu inissiisarfiliarineqartussaannngitsut sanaartorfiusaanngillat kisiannili sanaartorfiusussaannngitsutut uninngaarfiusinnaasutullu pinngortitamit allanngortinnagit isikkoqartinneqassallutik.
Stk. 3: Nunaminertat atugassanngortinneqartut isumannaallisaataasumik portunerpaamillu 2,5 meterimik ungaluneqassapput. Isumannaallisaataasumik ungalularineqartut akimut ersissapput, soorlu ungalut ungerutissiamik assigisaanillu sanaat.
Stk. 4: Immikkuualuttuni ataasiakkaartuni nunaminertaq apummut nivatamut kueraavissaq immikkoortinneqassaaq.
5. TEKNIKKIMUT ATORTUT
Stk. 1: Sanaartukkat nutaat innaallagissap, erngup kuuffiillu aqqutaannut pisortanit ingerlanneqartunut, kiisalu aalaakkaasumik innaallagiasq atorlugu kiassarnermut ungasianiilluunniit kiassarneqarnermut avatangiisimulluunniit ajoqutaanngitsumik nukissiornermut allanut, soorlu seqernup kiaa, nunap kiaa allallu atorlugit kiassarnermut attavilerneqassapput. Sanaartortitsisup/nunaminertamik atuisinnaanermik pigisallip akisussaaffigaa oqartussanit akuersissummik pisariaqartitamik pissarsinissani, ass. kiassaariaatsimut qaqugukkulluunniit atuuttumut attavilerneqarnissamut akuersissummik. Nunaminertami kiassagaaneq aalajangersaavigineqartarpoq pilersuisuusup najoqqutassai malillugit.
Stk. 2: Imikoq qasertoq qernertorlu kuuffitsiguussaaq. Nunaminertamik atuisinnaanermut akuersissutaatik pisussaavoq erngup nunap qaavatigoortup kussiniliillu kuunnerisa kuuffimmut ingerlasunngortinneqannginnissaat, allakkoortinneqassasullu sanaartukkanut tamatuma qanittuaniittunut, aqqusinernut, aqqusineeqqanut nunaminertanullu sanaartorfiunngitsunut ajoqutaasussaaajunnaarsillugit, soorlu kussinertigut kuuguttussanngorlugit.
Stk. 3: Teknikkimut tunngasunik pilersugaaneq, soorlu kuuffiit, innaallagiasq imermillu pilersuinerit taamaallaat pisinnaapput atortutigut assaanneqarsimasutigut. Ledningeqarfiit

sapinngisamik ataqqineqassapput qaavitigullu sanasoqassanngilaq. Suleqataasimasinnaasup allap ledningeqarfinnik allanngortitsinera ledningimik piginnittumut aningaasartuutaassanngilaq, tamannalu taamaallaat pisinnaavoq ledningimik piginnittumik isumasioqateqarnikkut aammalu ledningimik piginnittup innersuussutai malittarisassiaalu malillugit. Stk. 4: Nunaminertap iluani taknikkimut atortut soorlu transformatoreqarfiit, sarfalersuutit assigisaallu inissinneqarsinnaapput tamaani pilersuinerlut atugassatut. Teknikkimut atortut transformatoreqarfiillu naleqquttumik inissinneqassapput nunaminertaq tamaat isigalugu ulorianarpasissutut isigineqannginniassammata, akuerineqassappullu Kommuneqarfik Sermersuumit Nukissiorfinniillu.
6. NUNAMINERTAT SANAARTORFIUNNGITSUT
Stk. 1: Nutaanik sanaartorneq sapinngisamik nunamut pioreersumut naleqqussarneqassaaq. Nunamik allanngortitsineq sanaartornerup teknikikkut illersorneqarsinnaasumik naammassineqarsinnaanera eqqarsaatigalugu taamaallaat pissaaq tamanna pisariaqarpat. Stk. 2: Sanaartorfiit kortimi ilanngussap 2-p iluaniittutut takutinneqartut, kiisalu nunaminertat aqqusinernut, biilnut inissiisarfittut assigisaannullu atorneqartut pisariaqartumik nuna iluarsaanneqarsinnaavoq. Stk. 3: Sumiiffimmi naasut sapinngisamik annerpaamik atatiinnarneqassapput pisariaqassappallu toqqorneqassallutik sanaartornerup kingorna nunamut ileqqinneqarsinnaaqqullugit. Stk. 4: Sumiiffimmi qaartitakut qaartitsinermit angallassinermiluunniit siammarneqarsimasinnaasut salinneqassapput. Stk. 5: Nunaminertat sanaartorfiunngitsut eqqiluutsuutinneqarlutillu torersuutinneqassapput. Stk. 6: Nutaanik sanaartorfiusumi nunaminertat pisariaqartinneqartut suliarineqassapput eqqaavilerfissatut containerinillu eqqaavissanik inissiiffissatut, igitassanik immikkoortiteriviit ilanngullugit. Eqqakkanut containerit eqqaaviillu Kommuneqarfik Sermersuumit akuerineqassapput. Stk. 7: Eqqaaveqarfiit inissinneqassapput eqqaavilerisunit akornuteqanngitsumik aaneqarsinnaanngorlugit, aammalu aputaajarneqarsimassallutik eqqaavilerinerlu allatut akornuteqartinneqassanngilaq
7. PIUJUARTITSINEQ
Immikkut ittunik aalajangersagaqanngilaq.
8. NUNAP ILLERSORNISSAANUT SOQUTIGISAT

Immikkut ittunik aalajangersagaqanngilaq.
9. NUNALERINERMI SOQUTIGISAT
Immikkut ittunik aalajangersagaqanngilaq.
10. ATORTUT ATAATSIMOORUSSAT
Immikkut ittunik aalajangersagaqanngilaq.
11. PIGINNITTUT PEQATIGIIFFIAT
Immikkut ittunik aalajangersagaqanngilaq.
12. AVATANGIISIMIK MINGUTSITSINERMUT KILLISSAT
Stk. 1: Immikkoortup iluani suliffeqarfinnut teknikkimullu atortunut atuuppoq putsumik, nipiliornernik, pujoralammik tipimillu akornusersuutitut killiliussatut atuuttunik malinninnissaq pillugu aaqqiissutissaliortoqarnissaa. Stk. 2: Sumiiffiup iluani nunaminertaliisoqassaaq eqqakkanut atorneqartussanik containerinik assigisaanullu inissiiffissatut. Stk. 3: Atortut nipiliortut najugaqarfinnut ungasillillugit inissinneqassapput.
13. SAKKUKITSUMIK NUKISSIORNERNUT SANAARTUKKAT
Immikkut ittunik aalajangersagaqanngilaq.
14. ATULERNISSAANUT PIUMASAQAATIT
Stk. 1: Sanaartugaq nutaaq atorneqalissanngilaq: - imm. 3 naapertorlugu biilinit inissiisarfik suliarineqareersimanngippat. - imm. 5 naapertorlugu tamanik pilersuinernut attavilertoqariinngippat. - imm. 6 naapertorlugu nunamik suliassat inaarutaasumik naammassineqariinngippata. Piffissap sanaartorfiusup tamanna ajornartippagu, ilaannakortumik atuilerneq akuerineqarsinnaavoq immikkoortuni allassimasut Kommuneqarfik Sermersuumik isumaqatigiissuteqarluni naammassineqarnissaasa tungaanut.

3 ATORTUSSANNGORTITSINERMI OQAASEQAAT

Kommunip pilersaarusiortfigineranut tapiliussaq una 4E5-2 Qinngorput, Nuuk matumuuna atortussanngortinneqarpoq Kommuneqarfik Sermersuup Aningaasaqarnermut Inuussutissarsiornermullu Ataatsimiititaliaanit ulloq 28/4-2022 sapaatillu akunnerini 8-ni tamanut tusarniaassutigineqartussatut nassiunneqassaaq.

Kommuneqarfik Sermersooq ulloq


Charlotte Ludvigsen
Borgmesteri


Ole Jakobsen
Kommunaldirektøri

Siunnersuutitut tamanut saqqummiunneqassaaq ulloq 4/5-2022

**ILISARNARATINUT NASSUIAATIT/
SIGNATURFORKLARING**

-  Immikkoortoq / Delområder
-  Immikkuualuttoq / Detailområde
-  Akquasernit titarnerit / Vejbyggelinje
-  Illut pioreersut / Eksisterende bygninger
-  Transformatoreqarfik / Transformerstation



Detailområde 1

Detailområde 2



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø


Kommunimut pilersaarummut tapiliussaq 4E5-2
Kommuneplantillæg 4E5-2

ILANNGUSSAQ 1 / BILAG 1
Immikkoortoq 4E5 / Delområde 4E5

Februaari / Februar 2022
Uutuut / Mål: 1:2000
A4

ILISARNARATINUT NASSUIAATIT / SIGNATURFORKLARING

-  Immikkoortoq / Delområder
-  Immikkuualuttoq / Detailområde
-  Sanaartorfik / Byggefelt
-  Aqqusernertit titarnerit / Vejbyggelinje
-  Aqqusuneqarfik / Vejadgang
- T** Teknikkimut atuuttut /
Teknisk anlæg på terræn
- P** Biilinit inissiisarfik / Parkering
-  Illut pioreersut / Eksisterende bygninger
-  Transformatoreqarfik / Transformerstation



KOMMUNEQARFIK SERMERSSOOQ
Sanarfinermut Avatangiiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4E5-2
Kommuneplantillæg 4E5-2

ILANNGUSSAQ 2 / BILAG 2
Immikkoortoq 4E5 / Delområde 4E5

Februaari / Februar 2022
Uutuut / Mål: 1:2000
A4